

DE  
EO QVOD IVSTVM EST  
CIRCA  
RESTITVTIONEM  
MVTVI  
MVTATA MONETAE  
BONITATE,



DISSERTATIO INAUGVRALIS IVRIDICA

QVAM

IN PERANTIQVA VNIVERSITATE ERFORDIENSI  
EX DECRETO ET AVCTORITATE  
ILLVSTRIS ICTORVM ORDINIS  
PRAESIDE

D. HENRICO MELCHIORE  
SCHÜTTENIO, Icto,

FACVLTATIS IVRID. ET PHILOS. ADRESSORE, NEC NON POLITICES  
PROF. PVBL. ORDINAR.

PRO SVMMIS IN VTROQVE IVRE HONO-  
RIBVS ET PRIVILEGIIS DOCTORALIBVS  
CONSEQUENDIS,

PVBLICO ERVDITORVM EXAMINI EXPONIT

ABRAH. GOTTLOB TZSCHIRNERVS,

*Lipsiensis,*

AVCTOR ET RESPONDENS.

IN AVDITORIO IVRIDICO COLLEGII MAIORIS  
DIE XIII. IANVAR. A. M DCC XXXVIII.

ERFORDIAE, Litteris HERINGII, Acad. Typogr.





**E**X eo tempore, quo diuersi Status imperii reductionem valoris monetarum contra ordinationes imperii cusarum, ita, vt iustam bonitatem & quantitatem in ordinationibus imperii monetalibus requisitam non haberent, susceperunt, multa hinc in Imperio litigia orta sunt inter creditores & debitores, circa praestandam solutionem, debitoribus eam secundum aestimationem monetae, prouti nunc valet, praestare volentibus, creditoribus autem contradicentibus, & vrgentibus solutionem secundum aestimationem, quae fuit tempore contractus. Operae igitur pretium erit, si temporis praesentis rationem habiturus, argumentum hoc rationibus legalibus sub in-

cudem reuocem, atque veriore sententiam  
comprobem. Quod vt ex voto & bene cue-  
niat, DEVM propitium supplex exoro.

§. I.

**N**on opus erit singulorum vocabulorum  
in rubro dissertationis positorum enu-  
cleationem suscipere, quoniam cuilibet  
illorum intellectus facile patebit, instituti ta-  
men ratio postulat, vt generaliora quaedam,  
sicuti moribus academicarum dissertationum  
inualuit, de mutuo & moneta praemittam, ita  
quidem, vt primum omnium definitionem  
mutui tradam. Est autem mutuuum contra-  
ctus realis, quo res fungibilis ita alteri datur, vt  
eadem in genere restituatur.

§. II.

Mutuuum vulgo solet diuidi in naturale, ci-  
uile, & mixtum. Naturale vocant, quod con-  
trahitur ipsa naturali pecuniae numeratione, ci-  
uile, vbi quis spe futurae numerationis pecu-  
niam accepisse confessus est, quam reuera non  
accepit, mixtum vocant, vbi vel alius meo no-  
mine

mine numerat pecuniam, vel quum ante, aut post numerationem stipulatio interponitur, vid. STRVV. *S. I. C. Ex. 16. th. 6.* Nihilominus ipse STRVVIVS loc. cit. vna cum LAVTERBACHIO *in compendio iuris p. m. 166.* hanc diuisionem reiicit, idque non sine solida ratione, ciuile enim quod vocant, est peculiaris contractus chirographarius, mixtum vero, si alius meo nomine pecuniam numerat, non constituit nouam mutui speciem, quod enim per alium quis facit, per se fecisse putandus est, sed si stipulatio vel antecessit, vel consequuta est, ad mutuum plane referri nequit. Idem iudicium esto de mutuo vero & praesumpto. Praesumptum enim mutuū itidem in fundamento oppido infirmo innititur.

### §. III.

Vt mutuum subsistere possit, ad formam substantialem requiritur, 1) vt daturus mutuum habeat dominium rei fungibilis *l. 2. D. d. R. C.* 2) vt gaudeat libera rerum administratione, constat enim mutuum a pupillis celebratum non valere, ita, vt res interea consum-

ta conditione sine causa repetatur, *l. 19. §. 1. D. d. R. C.* 3) vt accipiens se obligare possit, nec mutuum accipere prohibeatur, quae obligatio deficit in filiofamilias, vtpote cui SCtum datur Macedonianum 4) vt res alteri tradatur fungibilis. Dicuntur vero res fungibiles, quae numero, pondere, & mensura constant, atque hoc modo in commercium veniunt, res fungibilis mutuo danda est, vt fungibilis: constat enim rem fungibilem etiam vt certam speciem dari posse, conf. THOMASIVS *dissert. de pret. adfect. in res fungibiles non cad. cap. 1. §. 16. sqq.* 5) vt res tradatur ex certa scientia, ita, vt ad sit traditio vera, vel ficta, siquidem sufficit, si tertius pecuniam meo nomine dedit *l. 15. D. d. R. C.* denique 6) requiritur, vt accipiens se obliget ad rem fungibilem in genere restituendam, haec vera est differentia, quae intercedit inter contractum vitalitium, & mutuum, in vitalitio morte creditoris fors perit, & hanc ob causam creditores iusto maiores vsuras accipere possunt, vid. STRYCKIVS *de caut. Contr. sect. 2. cap. 1. §. 33.* licet infi-

inficias ire non possim per accidens quandoque fieri posse, vt res in contractu mutui in specie restituatur. Haec igitur requisita si mutuum habeat, valebit omnino, ita, vt producat conditionem certi ex mutuo, quae competit creditori aduersus debitorem, ad praestandum, quod in obligatione continetur.

§. IV.

Promissi memor, etiam generalia quaedam de moneta eiusque bonitate cum intrinseca, tum extrinseca dicturus ero. Monetam PAVLVS in *l. 1. D. de contrah. emt.* definit per materiam forma publica cusam, vsum non tam ex substantia praebentem, quam ex quantitate. Mihi vero satis commode describi illam posse videtur per materiam, quae ab illo, qui iure cudendae monetae gaudet, cusa & adprobata est, vt aliarum rerum pretii mensura existat, & commerciis inferuiat.

§. V.

Moneta vero, vt valorem a superiore inditum consequatur, bona esse debet, seu debet ita esse comparata, vt id contineat in quantita-

te

te & qualitate, quod ipsi est adsignatum. Intrinseca bonitas monetae vocatur, quae consistit in pondere iusto, materia iusta & legitima forma. Mutatur autem bonitas intrinseca, si pecunia magis aere contaminetur, quam iustum est, *wenn Schrot und Korn an der Muntze gemindert wird, conf. SIXTIN. d. Regal. lib. 2. cap 7. num. 152.* Extrinseca bonitas monetae adpellatur, quae in valore consistit, mutatur vero extrinseca bonitas, quando e.g. valor monetae minuitur, non enim est vniformis ac constans in Imperio Romano Germanico valor monetae, sed alius atque alius communi hominum vsu & commercio frequentatur, id quod plerumque ab inuitis principibus extorquet infelicitas temporum, atque necessitas commerciorum, quam promiscui vsus utilitatem vocat PAVLVs in l. 17. §. 1. D. de inst. act.

# §. VI.

Ius cudendi monetam nemini, nisi ei, cui summa in republica potestas competit, concedendum est, cum rei publicae intersit, vt moneta iusta, & publica forma notata cudadatur,



tur, qualem ex priuatorum officinis vix sperare licet. Sed quamuis aurum, argentum, ceteraque metalla in priuatorum sint commercio, postquam tamen publica auctoritate definitus character semel impressus est, pretium ex ciuium arbitrio & voluntate non pender, sed vti ius cudendae, ita & aestimandae monetae, summi imperantis est, & supremam refert Principis potestatem, tradente ZIGLERO *de iur. Maiest. lib. 1. cap. 49. §. 8.* In imperio nostro Romano Germanico, qui superiori-  
rate territoriali gaudent, regulariter solum hoc iure vtuntur, vid. perillustis de BUNAV *comment. iur. Publ. d. iur. circa rem monetar. in Germania.*

§. VII.

Quoniam autem moneta pro corrupta huius saeculi consuetudine multis mutationibus obnoxia est, hinc graues oriuntur lites, cuius qualitatē vel bonitatis nummi sint restituendi, verum tamen hanc quaestionem clare decidit *pr. Inst. quib. mod. re contrah. obligat.* ex quo clarum est, de essentia mutui esse, vt res eiusdem generis reddatur, quod etiam comprobatur *l. 2. D. de R.*

B

C.

C. ita, vt si pro oleo vinum, aut pro pecunia frumentum redderetur, non mutuum, sed permutatio celebrata sit. Quum igitur luculenter satis probatum sit, mutui restitutionem in eadem bonitate esse de natura huius contractus, id quod in dubio semper inter contrahentes videtur conuentum, restitutio mutui secundum valorem & aestimationem monetæ, quæ fuit tempore contractus & obligationis, fieri debet, siue moneta fuerit in bonitate extrinseca, mutata siue intrinseca, quod ipsum naturali æquitati per quam conforme est, dum hac ratione neque creditor, neque debitor læditur, creditor enim minus quam dedit, non recipit, nec plus petere debet, debitor vero plus, quam accepit, non soluit, nec minus reddere tenetur, *l. 3 D. de R. C.* ex quo consequitur, neutrum cum alterius damno fieri locupletiores.

§. VIII.

Vt veritas huius sententiæ eo magis pateat, consideremus eam secundum vulgatum philosophorum canonem: opposita iuxta se posita magis clucescunt, & fingamus tempus con-

contractus non adtendi circa restitutionem mutui, in casu mutatae monetae, tunc profecto maxima laesio non minus ex parte creditoris, quam ex parte debitoris exinde emergeret: Creditor laesionem sentiret, si in deteriori moneta, vel minori valore, mutuo datam pecuniam accipere cogeretur; debitor vero laederetur quum duplici onere, vsurarum nimirum praestandarum, & deinde augmenti in moneta supplendi grauaretur, quod utique dispositioni iuris & ciuilis & naturalis, contrariatur. add. GAIL. *lib. 2. obs. 73. n. 2. seqq.*

§ IX.

Hoc tamen obseruatu dignum est, quod si mutatio monetae quoad bonitatem intrinsecam facta fuerit, tunc moneta aucta debitor additamentum detrahere possit, ea vero deminuta, supplere teneatur, tradente BERLICH. *part. 2. conclus. 35. num. 37.* Bonitas enim intrinseca monetae soluendae, quae fuit tempore contractus, est spectanda, ita, ut commodum pariter atque incommodum sit debitoris, non enim creditor aut lucrum, aut damnum ullum sentire debet ex solutione sibi facta, sed

illud ipsum necessario consequi, quod reuera debetur, fac. *l. 99. D. de solut.*

## §. X.

Huic quidem opinioni obstare videtur, quod in mutuo aestimatio solum credita censeatur, atque hoc modo non videri creditorem damnum pati, si ipsi nummi eiusdem valoris, in deteriori quamlibet materia restituantur. Verum tamen in dubium vocari nequit, ipsius quoque materiae rationem habendam esse, quum illa constituat fundamentum & causam valoris: valor vero pro diuersitate materiae est diuersus, ac in republica probe constituta inter valorem & materiam iusta omnino debet esse proportio, adeo, vt materia tanti aestimanda sit, quanti alias valeret, publico signo non impresso, hinc etiam in *L. 1. C. de veter. numis. pot.* haec duo pro forma nummorum essentiali requiruntur, nempe proba materia, & debitum pondus, ex quo colligitur, solum valorem absque materiae bonitate & legitimo pondere pecuniae substantiam minime efficere, vid. COLER. *de proc. exec. part. 1. cap. 10. num. 8.*

## §. XI.

§. XI.

Quotiescunque vero contingit mutatio monetae in bonitate extrinseca, moneta est soluenda in ea bonitate extrinseca atque valore, qui fuit tempore contractus, ita, vt, si iste adcreuerit, debitor detrudere possit incrementum, quod aestimationi intra tempus solutionis adcessit, sin quantitatis monetae decrementum factum fuerit, debitor supplere tenetur illum valorem, qui tempore contractus in usu erat, namque constat, in mutuo transferri dominium, atqui dominus omne periculum & emolumentum rei suae sentit, quae sententia, in iudicio quoque camerali recepta est, vid. GAIL. *lib. 2. obs. 73. num. 3.*

§. XII.

Quum vero usurae sint accessio fortis & principalis debiti, eo demque iure censentur, hinc non minus usurae ac ipsa fors solui debent secundum monetae bonitatem & valorem, qui erat tempore contractus. Equidem ANT. FABER in *Cod. lib. 8. tit. 29. defin. 45.* huic sententiae contradicit, propterea quod metuenda sit litium multipli-

catio, si in singula tempora & pene momenta, quibus incipiunt vsurae deberi, spectari oporteret. Enim vero ob multitudinem litium a legum & iustitiae tramite non est recedendum, quamvis omni, qua fieri potest, diligentia enitendum sit, ut lites legitimo modo componantur, id quod melius fieri non potest, quam si respectus habetur ad bonitatem monetae quae tempore contractus existit, secundum quam de valore & aestimatione mutatae monetae quouis tempore facili negotio iudicandum erit. Quod si vero tempus contractus in soluendis vsuris non adtenderetur, facile contingeret, ut de semissibus vsuris aut quincuncibus, trientes fierent, quod tamen utique aequitati immo & legibus positivis foret contrarium si stipulatio aut pactum de certa vsurarum quantitate praestandarum interveniret.

### §. XIII.

Hactenus quantum instituti ratio permisit, probavi, diminuta & aucta moneta tempus contractus respici, ac debitorem ferre debere commodum & incommodum e mutatione  
mo-

monetae dimanans; iam erit quoque inquirendum, vtrum debitor soluere possit pecuniam post tempus contractus reprobata, atque ita illius solutione a debito liberetur? Quum autem propemodum omnes consentiant, debitorem in moneta reprobata solutionem praestare non posse, nihilominus tamen, qui Glossae in *L. 5. D. d. R. C.* subscribunt, hoc sic restringunt, vt solummodo tunc obtineat, quando pœunia ideo est reprobata, quod minoris ponderis facta, & bônitas intrinseca etiam mutata sit, concedunt vero, debitorem reprobata pecuniam soluentem liberari, si quidem ob aliam causam quae non ex bonitate pecuniae intrinseca prouenit, pecunia sit reprobata. Sed hanc distinctionem defendi non posse, exinde adparet, quod creditor nunquam teneatur ad recipiendam solutionem in pecunia reprobata, sed ei soluenda sit aestimatio pecuniae reprobatae, quae tempore fuit contractus, quod euidenter innuit *l. 24. §. 1. D. de pignorat. act.* cuius verba huc transcribi merentur: „*Qui reprobos nummos soluit creditori, an habeat pignoratitiam actionem, quasi soluta*

„*soluta pecunia, quaeritur? Et constat neque pi-  
gnoratitia cum agere, neque liberari posse: quia  
reproba pecunia non liberat soluentem, repro-  
bis videlicet nummis reddendis.*

§. XIV.

Aliud pro alio inuito creditori solui non  
posse, probat *l. 2. §. 1. D. d. R. C.* ita vt pro pe-  
cunia in solutum creditor nolens nomen debi-  
toris sui suscipere non teneatur, *l. 16. C. d. so-  
lut.* sicuti vero nulla fere datur regula, quae ex-  
ceptionem non admittat, ita & circa mone-  
tae restitutionem se res habet. Supra cuiusmodi  
est, restitutionem esse faciendam in eadem bo-  
nitate hoc tamen temperamentum recipit in  
casu, quo species debita amplius non reper-  
itur, quae tempore erat contractus, vbi sufficit  
ab illo aestimationem creditori praestari, *arg.  
l. 14. §. ult. D. de legat. 3.* Nam ad impossibi-  
lia nemo obligatur, quodsi igitur in potestate  
debitoris non est, rem eiusdem bonitatis re-  
stituere, cessare debet dispositio legum, quae  
ipsum adigat ad restitutionem faciendam se-  
cundum tempus contractus, teste *GAIL lib.  
2. obs. 73. num. 8.*

§. XV.



§. XV.

Idem etiam statuendum est eo casu, quo moneta antiqua quidem adhuc existat, sed non nisi maximis & immensis sumptibus comparari potest, ubi creditor utique cogi poterit ad aliam speciem, tamen non eiusdem bonitatis sit, accipiendam, quoniam alias creditor plus acciperet, quam reuera debitori mutuo dedisset. Compar. PRYCMANN. Vol. 2. Confil. 12. num. 17.

§. XVI.

Eo vero casu, quo debitor accepit a creditore pecuniam reprobam, atque hanc ut probam expendit, *wenn er es als schwer Geld wieder an den Mann gebracht*, debitor monetam probam restituere debet, namque tum non est spectandum tempus contractus, sed potius tempus solutionis, quam sententiam iuri nostro optime convenire, dubio caret, quandoquidem debitor non habet, de quo conqueratur, quum non possit cum detrimento creditoris lucrum capere, quod vero omnino fieret, si tempus contractus adtenderetur. Idcirco si creditor obiiciat debitori, se

C

pe-

pecuniam reprobam, pro bona expendisse, ad illud probandum adstringendus erit, adfirmanti enim incumbit probatio; aliud vero obtinere, si satis notorium sit, debitorem reprobam pecuniam, vt bonam expendisse, inde liquet quod notoria ea non indigeant, atque hoc modo responderunt Scabini Ienenſes, apud RICHTERVM decis. 72. num. 23. his verbis:

*Daß Beklagter das libellirte Capital der in anno 1621. am 23. Decembr. an 400. Gulden, beneben denen bishero aufgeschwollenen Zinsen, zwar mit ietzigen guten Sorten, jedoch allein dem Werth nach, was dieselben zur Zeit des Contractes gegolten, Klägern abzustatten schuldig, er könte und möchte denn, wie zu Recht erheblich, darthun und beweisen, daß Beklagter die empfangne Summe vollständig, und als schwer Geld wieder an den Mann bracht, auf solchem Fall würde ihm die Bezahlung an ietziger gängiger und guter Münze nicht unbillig auferleget. V. R. W.*

## §. XVII.

Pariter debitor neque lucrum neque damnum fert illo casu, quo quantitas siue summa, non item certa ac determinata species monetae debetur. Namque si species quaedam nummorum inaeestimatae non adiecto valore ut corpora in obligationem deducantur, i. e. wann der Creditor dem Debitori eine gewisse Anzahl Thaler Stück vor Stück geliehen, und der Debitor sich verpflichtet, dass er auch solche eadem specie, wie sie ihm geliehen, Stück vor Stück gerechnet, wiederum bezahlen wolle, secundum hanc conventionem solutio fieri debet, non adtento utrum illa corpora incrementum vel decrementum ceperint. Lex enim contractus operatur, ut eadem corpora in specie restituantur, siquidem tali casu, quo certa corpora mutuo sunt data, nulla valoris aucti vel diminuti habetur ratio, quum satis certum sit, pactis contrahentium de modo & qualitate faciendae solutionis omnino inhaerendum, & legem, quam quis dixit, servandam esse.

## C 2

## §. XVIII.

§. XVIII.

Sed si summa & quantitas debetur, vel quando valor adiectus, & species aestimato data est, tunc solutio fieri debet in ea moneta, quae tempore solutionis in usu est, & bonitas intrinseca respectu temporis contractus non consideratur, MENOCH. *conf.* 49. num. 14. add. TVSCH. *tom. 5. pract. conclus. lit. m. conclus.* 346. num. 6. quod e. g. contingit, wann einer Thaler in specie zu bezahlen sich zuvar verschrieben, aber in der Verschreibung einen gewissen valorem dabey benennet hat, als den Thaler zu 24. Groschen, den Groschen zu 12. Pfennigen. Obiicere quidem hic quis posset, naturam mutui postulare, vt tantum reddatur, quantum acceptum, facta reductione monetae deterioris ad meliorem, ac per consequens hanc conuentionem esse iniquam. Enimuero vtut de natura mutui sit, vt res credita in eadem quantitate & qualitate restituatur, exinde tamen non sequitur, vt in aestimatione pecuniae, quae non in obligatione, sed in arbitrio soluentis est, tempus contractus inspiciendum sit, sed sufficit rem petitam, si exstet, vel ipsam aestimatio-

tio-

tionem secundum tempus solutionis praestari, neque iniqui quid continet haec conuentio, quum incertum sit, vtrum lucrum vel incommodum debitor inde sit sensurus. Quantum igitur alioqui mutato monetarum valore, tempus contractus considerandum est, attamen ob dicti pacti adiectionem secundum valorem monetae currentis tempore solutionis nummorum debitorum solutionem praecise faciendam esse, ideo extra omnem controuersiam positum puto, quod fauori pro se introducto renunciare, & vnicuique licitum sit contemnere, quae pro se introducta sunt. Huc adcedit, quod etiam in contractu locationis conductionis conductor pensionem non obligatus sit soluere, nisi secundum valorem temporis solutionis. BARTOLVS in l. 16. C. de usuris.

§. XIX.

Quando creditor debitorem vel interpellauit, vel in iudicio contra eum sententiam ad soluendum & exsequutionem faciendam impetrauit, tunc licet mutuum non in eadem bonitate monetae quae deinceps tempore solutionis est, restituatur, sed pecunia currentis &

vsualis reddatur, nihilominus debitor hoc modo liberatur, sibi que imputare debet creditor, quod ita debitum exegerit, per hanc exactiorem enim effecit, ut si interim moneta diminuta fuerit, tempus solutionis non respiciatur, ut id pacto additum, quum ipse creditor conuentioni non steterit, alias enim duplici onere grauaretur debitor, dum pecuniam multis molestiis necessum haberet conquirere, & deinde damnum deterioratae monetae ferre, factum vero cuique suum, non aduersario nocere debet, add. RICHTER *decis. 72. num. 28.*

§. XX.

Quanquam regulariter, nisi aliter conuentum sit, in mutuo restituendo tempus contractus adtenditur, hoc tamen exceptionem admittit eo casu, quo inter contrahentes expresse conuentum, ut tempus solutionis norma mutui restituendi sit, etenim contra pactum suum nemini venire licet, quin potius pacta contractibus adiecta in forma specifica sunt adimplenda.

§. XXI.

§. XXI.

Quoties debitor est in mora soluendi, atque moneta ex tempore morae aucta vel imminuta, debitor eam soluere compellitur secundum aestimationem quanti plurimi valuit a tempore morae, ita, ut neque tempus solutioni destinatum, neque tempus contractus consideretur, habet enim quod sibi imputet debitor, quod non praestituto tempore debitum reddiderit, quum creditor non obligatus sit, ad damnum ex mora debitoris contingens ferendum, sed noceret utique mora creditori, quando tempus solutionis, quod ex pacto adrendi debebat, in restituendo debito, debitor praeterlabi passus est, atque ex eo tempore, quo mora facta valor pecuniae decrevit. Namque mora contrahitur, quum quis congruo loco & tempore interpellatus, haud soluit, *l. 32. D. de usuris*, at non intelligitur vlla fieri mora, ubi nulla petitio est, *l. 88. D. d. R. I.* e contrario ubi interpellatio creditoris antegressa est, & debitor moras necit in praestanda definito tempore solutione, periculum semper ad morosum spectat. Quod si vero apud debito-

rem

rem non steterit, quo minus interpellatus solutionem dicto tempore praestaret, eo casu eum ab omni culpa & mora immunem pronunciari oportet. CARPZOV. *P. I. C. 16. D. 17. n. 6.*

§. XXII.

Vbi vero debitor ex pacto se ad mutuum in certa ac determinata moneta, vel eius valore, soluendum obstrinxit, nec ad tempus contractus, nec solutionis respicitur, debitori quippe nocet mora in facienda solutione commissa. RICHTER. *Dec. 73. in fin.*

§. XXIII.

Quamvis autem ex natura mutui semper in praestanda solutione tempus contractus spectari debeat, & interdum vi pacti ad tempus solutionis respiciatur, accidere tamen potest, ut volenti & consentienti creditori solutio praestetur in deteriori moneta, quam quae ex lege pacti reddenda fuisset, quoniam explorati iuris est, volenti & consentienti damnum & iniuriam non inferri. Vnde si solutio in viliori moneta a creditore accepta est, augmenti



ti petitio creditori nulla super erit, etsi antea ad istiusmodi solutionem accipiendam de iure cogi non poterat. In alia omnia vero est eundem, quando creditor cum protestatione solutionem in moneta viliori accepit; protestatio enim interueniens conseruat ius protestantis, nec consensisse dici potest, qui protestatione adhibita sibi vigilauit, interim protestatio in continenti debet esse adiecta, ex interuallo interposita neutiquam prodest, nec retrahitur ad tempus dispositionis, quando agitur de praeiudicio tertii, cui ius fuit quaesitum, CARPZ. *P. 2. c. 10. D. 22. n. 7.*

## §. XXIV.

Quoniam igitur in restitutione mutui, quando moneta mutata est, innumerae ferme controuersiae oriri solent, atque supra ostensum est, eo casu, quo certi nummi aestimato siue *Stück vor Stück* in mutuum dati sunt, omnem circa monetam mutatam controuersiam euanescere, cautius omnino faciunt contrahentes, si certam aestimationem cuius thalero vel ducato, qua restitutio fieri debeat, addunt, c. g. *dafs er 1000. Thaler in specie, vwie*

D

die-

dieſelbe in banco gültig, den Thaler zu 24. Silber-Groſchen, den Groſchen zu 12. Meiſniſchen Pfenningen gerechnet, empfangen, und dergeltalt wieder reſtituiren vvolle, vid. STRYCK. Caut. Contr. Sect. 2. cap. 1. §. 21. Et quamvis alias in obligatione alternatiua, puta, ſi conuentum ut aurei vel thaleri reſtituantur, aut eorum æſtimatio conuenta ſoluatur, in poteſtate debitoris ſit, vel thaleros, vel aureos reſtituere, vel conuentam æſtimationem præſtare; id tamen non eſt extendendum ad eum caſum, quo æſtimatio non taxationis, ſed tantum demonſtrationis cauſa adiecta, ideoque, ſi in ſtrumento ſcriptum ſit, ſolui debere aureos vel imperiales mutuo datos, conficientes tot vel tot florenos, ſolutio non niſi in aureis vel thaleris integris fieri debet, & florenorum expreſſio pro non adiecta habetur, COTHMAN vol. 1. reſp. 34. num. 329. & 330. Itaque ſi certum quid in obligatione expreſſum, huic poſtea in reſtitutione ſtandum eſt, STRVV. Exerc. 16. th. 34. dummodo non concurrat uſuraria prauitas, vel debitor pecuniam minoris valoris non ſine maximo ſuo incommodo expendit.

§. XXV.

§. XXV.

Quod si vero secus partibus placuerit opera a debitore danda, ut restituere ipse nummos valeat tales, quales mutuo dati, eos enim accipere cogitur creditor, qualicunque monetæ bonitate mutata, verum si non possunt restitui, totidem alii nummi soluendi sunt, quanti expendi posset pecunia mutuo data, si in eadem bonitate adhuc superesset, ita e.g. *im Fall er ihm dergleichen Reichs-Thaler in specie ins künftige nicht wieder liefern könnte, wolte er ihm dieselbe an guter gangbarer Münze dergestalt ersetzen, wie der Thaler zur zeit der Zahlung am höchsten könnte ausgegeben werden.* STRYCK d. Tr. sect. 2. cap. 1. §. 21. hoc modo damnum creditor non sentit, ad quod in diuerso monetæ genere restituendo respiciendum esse vult, l. 99. de solut. add. PUFFENDORF I. N. § G. L. 5. c. 7. §. 6. sqq.

§. XXVI.

Non solum autem in mutuo, sed in aliis quoque debitis subsequuta monetæ mutatione tempus contractus spectatur, hoc accidit I) in annuis præstationibus, BERLICH

*p. 2. Concl. 35. n. 43.* cum annuae præstationes ex natura principalis debiti, quale fuit ratione valoris tempore contractus, certum iustumque modum accipiant, qui citra creditoris, vel potius emtoris iniuriam nulla ratione imminui potest; haud dubie vero minus soluit, qui in minori & deteriori moneta soluit, *L. 3. D. d. R. C.* id quod adplicari nequit ad canonem emphyteuticum; huius enim augmentum nulum debetur, quoniam non tam pro modo iusti redditus, quam potius in recognitionem dominii directi soluitur.

#### §. XXVII.

Valoris monetæ, qui erat tempore subsidii præstiti II.) ratio habetur in successioneibus, ubi post mortem patris liberi dotem aliaue accepta conferre tenentur. Etenim in illis exsultat præsumptio donationis, *MENŒCH. lib. 3. præsumt 30.* ratio vero ob quam non secundum præsentem valorem pecuniæ, sed secundum monetæ æstimationem, quæ fuit tempore dotis datæ, ac præstiti subsidii, collatio faciendâ sit, in eo potissimum consistit, quod hoc casu collatio in contractum mutui incidat, liberique

berique ex mutuo pecuniam accepisse credantur quod patre praedefuncto reddere obligati sunt, id quod requirit aequitas, quum aequalitas, utpote praecipuus collationis finis, inter liberos maxime seruanda veniat.

§. XXVIII.

Similiter III.) si alicui a testatore in testamento legatum relictum, id in ea monetae bonitate ab herede exsoluendum erit, quae fuit tempore conditi testamenti, GAILL. *lib. 2. obs. 73. num. 4.* Testator enim futurae mutationis monetae ignarus, non de alia moneta cogitasse censetur, quam de ea, quae tempore, quo legatum fecit, in usu erat, & commercii frequentabatur, quamvis non nisi a die mortis legatum debeatur; retrahitur enim debitum ad tempus conditi testamenti, eo modo, quo donatio mortis causa retrahitur ad tempus, quo facta; neque aliud in donationibus mortis causa locum habet, quod nempe in aestimando monetae augmento, non mortis, sed donationis celebratae tempus sit considerandum, idque ex eadem ratione, quae in le-

gato obtinet. Nihilofecius interdum euenit, ut ex verbis, vel voluntate testatoris in soluendo legato tempus mortis spectari debeat, qualis casus est, in *L. 28. D. quando dies legat.* Quamobrem praecipue verba testatoris & legantis sunt expendenda; nunquam enim a verborum vi & potestate temere recedere fas est; sed regulariter in soluendo legato semper tempus, conditi testamenti consideratur, nisi forsitan voluntas testatoris diuersum exposcat.

#### §. XXIX.

Denique IV.) in venditionibus, aliisque contractibus. fieri debet solutio pretii secundum valorem, qui tempore contractus, non autem qui fuit tempore promissae solutionis ratio enim, quae in mutuo occurrit, quod videlicet creditor, nullum lucrum damnumue ex solutione sibi facta sentire sed illud ipsum consequi debeat, quod reuera debetur, & hic sibi locum ob paritatem vindicabit. Vnde si venditor rem venditam tradiderit, solutione ad tempus certum dilata, emtor non erit audiendus, siquidem valore pecuniae aucto, neglecto tem-

tempore contractus, secundum valorem temporis praesentis pretium soluere velit, ne in odium venditoris retorqueatur, quod in fauorem emtoris de pretio fidem habuerit.

§. XXX.

Quamuis autem argumentum praesens ob sui usum, quem in vita communi praebet, ex merito plenius excuti debuisset, temporis tamen rationem habiturus, in primis quum iustae circa illud essent commentationes, vela contraho, coeptoque labori felicem impono

F I N E M.



